



NATIONAL AIDS COMMISSION
Powered to Conquer HIV and AIDS

**PUO KA MOOKAMELI OA LEKHOTLA LA NAHA LA
KHOKAHANYO EA LITABA TSA HIV LE AIDS MOFUMAHALI
'MANNEHENG MOPELI, 'MOKENG OA BAPHATLALATSI LE
BATLALEHI BA LITABA HOLIM'A TLHOLISANO EA RED
RIBBON MEDIA AWARD O TŠOARETSONG NAC
BOARDROOM KA LA 18 MOTŠEANONG 2009**

1. Selelekela

The Red Ribbon, kapa leleme le lefubelu le bonahalang hohle moo ho buuang ka HIV le AIDS, ke letšoao la lefatše le supang ntoa khahlanong le HIV le AIDS. E le ho ananela le ho ela hloko boithukhubetso toantšong ea HIV le AIDS, mokhatlo oa machaba oa AIDS, e leng UNAIDS, o ile oa theha khau e bitsoang Red Ribbon Award, e le ho tlotla batho ba itlhommeng pele ka boetapele le ho fana ka bosebeletsi sechabeng khahlanong le HIV le AIDS. Lesotho mona kaha re hlokometse hore bophatlalatsi bo ka nka karolo e kholo toantšong ea HIV le AIDS

kaha bo fihlela karolo e kholo ea sechaba, re ile ra nka qeto ea hore khau ena. Khau ena e fuoaaphatlalatsi e le ho leka ho ntlafatsa mokhoa oo HIV le AIDS li phatlalatsoang ka ona le ho fa bo ralitaba le batlalehi monyetla oa ho ipabola le ho fumana mekhoha e meng e mecha ea ho tlaleha ka HIV le AIDS, e ka tlisang phetoho maphelong a batho.

2. Mooko-tabo oa tiholisano ea 2009.

Mokhoa oo khau ena e tla fanoa ka ona ke oa tiholisano. Tiholisano ena e ile ea khakoloa bocha selemong se fetileng 'me morero ke hore e tšoaroe selemo le selemo. Kopanong e neng e tšoeroe haufinyane pakeng tsa rona re le Lekhotla la naha la khokahanyo ea litaba tsa HIV le AIDS le baokameli ba litsi tsa bophatlalatsi, ho ile hoa sekoa-sekoa hore na ebe ho bonahala khaello e le hokae ha ho phatlalatsoa litaba tsa HIV le AIDS. Ho il hoa shejoae hore ebe tiholisano ea 2009 e ka ikamahanya le ntlhakholo efeng ho tse latelang, e leng tsona lintlha-kholo tsa toantšo ea HIV le AIDS: Thibelo (Prevention); kalafo, tlhokomelo le tšehetso (Treatment, care and support), le phokotso ea sekahla seo HIV le AIDS li amang batho ka sona (Impact Mitigation).

Baokameli ba litsi tsa liphatlalatso ba ile ba fihlela qeto ea hore ho sa ntse ho hlokahala hore ho phatlalatsoe ka matla ntlha-kholong ea thibelo, feela ho tsepamisoa maikutlo holim'a phetolo ea boitšoaro (behaviour change). Ka hona bo M'e le bo Ntate, tiholisano ea selemo sena joalo ka se fetileng, e ntse e le holim'a **thibelo**, feela ho eona re shebile lehlakore la phetolo ea boitšoaro ka ha rea tseba hore thibello e mekhahlelo e 'maloa 'me e akha tšebeliso ea likhohlopo, Tlhabollo le tlhahlobo ea HIV, thibelo ea phetiso ea tšoaetso ho tloha ho 'M'a ho ea ho lesea joalo-joalo.

Re le Lekhotla re ile ra ananela khetho eo ea baokameli ba litsi le baphatlalatsi ba neng ba le teng kaha thibelo ehlile e ka sehlohlolong toantšong ea HIV le AIDS.

3. Mokhoa oa ho kenela tiholisano

Tiholisano e ka keneloa ke baphatlalatsi le boralitaba bohle bao mosebetsi oa bona o phatlalalitsoeng litsing tsa bophatlalatsi ka hare ho naha ea Lesotho nakong ea ho tloha ka la 01 Motšeanong ho fihlela la 06 Pulungoana selemong sona sena. Mekhahlelo ea tiholisano e meraro 'me eona ke mananeo a seea-le-moea, a thefeshini le lingoliloeng ka maselinyane kapa marang-rang(Online). Motho o lumelletsoe ho kenela mokhahlelo

o le mong 'me a fane ka mosebetsi o le mong (only one entry). Phatlalatso e ka ba ka Sesotho kapa senyesemane 'me mananeo a lokela ho ba metsotso e mashome a mararo athe lingoliloeng tsona e be lipakeng tsa mantsoe a sekete le makholo a mararo le sekete le makholo a mahlano (between 1300 and 1500 words). Mosebetsi o kenelang tlholisano o lokela hore o tekeneloe ke mookameli oa setsi ho netefatsa hore mosebetsi o joalo o fela o ile oa phatlalatsoa setsing seo.

Ho tla ba le baahloli ba tla khethoa ka mokhoa o tšoanang le oa selemo se fetileng moo ho ileng hoa thonngoa mabitso a batho ba nang le boiphihlelo litabeng tsa bophatlalatsi le tsa HIV le AIDS ke baokameli ba litsi tsa liphatlalatso 'moho le komiti ea tšebetso ea phetiso ea melaetsa ea HIV le AIDS, e leng balekane ba rona re le Lekhotla la naha la khokahanyo ea litaba tsa HIV le AIDS litabeng tsena tsa bophatlalatsi ba HIV le phetiso ea melaetsa. Mabitso a thonngoeng a fetisetsoa ho mookameli oa Lekhotla ho etsa qeto e kopantseng maikutlo a lihlopha tsena tse peli.

Baahloli ba tla sheba mosebetsi o kenetseng tlholisano ba kopane ka nako e le 'ngoe 'me ba tla sheba mosebetsi ka mong ho latela makhabane a ona ho shebiloe mokhoa o tsebahalang oa bophatlalatsi bo tsoileng matsoho, tsebo e phethahetseng ea HIV

le AIDS le sehlooho se tšohluoeng 'moho le phetoho eo mosebetsi oo o ka e tlisang sechabeng seo litaba tseo li fihleng ho sona.

Moputso oa tlholisano ena ke likete tse leshome (10,000 Maloti) mokhahlelong ka mong. Hona ho bolela hore chelete e teng bakeng sa tlholisano ena ke likete tse mashome a mararo (30,000 Maloti). Bahloli ba tla phatlalatsoa le ho fuaa meputso mohla letsatsi la machaba la AIDS ka la 01 Tšitoe 2009. Ke nke monyetla ona ho le tsebisa hore melaoana ea tlholisano ena e teng e hlalolang ka botebo mekhoha ea ho kenela tlholisano 'me le tla e fumana bohle.

Ke qetele ka ho ipiletsa hore baphatlalatsi bohle ba nke monyetla ona hore ba ipabole mosebetsing oa bona 'me ba etse phetoho maphelong a Basotho etsoe bophatlalatsi e le se seng sa libetsa tse kholo toantšong ea HIV le AIDS.

Kea leboha.